

## Transkription von Urkunde DAN 1356a

Ort, Datierung: Danzig, 1356-01-29

Signatur: Stadtarchiv Danzig, 300, D, 80, 2

Inhalt: Johanniterorden: Verzichtserklärung

---

Jn godes namen amen . Wy Broder hermen van werberghe . eyn ghe meyne bydeghe . der huse .  
brodere .vnde des gudes des orden / sunte Johannes van Iherusalem . in sassen . marken . wentlande  
vnde Pomerenen . Be kennen openbar allen dy dessen bryf . seyn . horen / eder lesen . dat wy van vnser  
orden weghene . laten van deme huse . dat her Hennynck van wardenberghe . ghe buwet heft van  
syneme / gude in der stat tu Dancyk . Nach willen vnde rade vnser lyeuen heren van prutzen des  
meysteres . der Erbar Rathman vnde / Borghere tu Dancyk . vnde willen weder sye nyn erue buwen  
eder hebben tu Dancyk . Van deme vor sprokenerue dat her hen/nynck van wardenbergh buwet heft  
vnde Otto paryse vppe laten dat late wy van vnser orden weghene af . al so dat Otto parys hern /  
hennynck dar ynne herberghe syne daghe . oder . also lange dat . hern hennynck euen kumt . were  
och Otto parys hern Hennynck / sculdich wente de orde hern hennynckes erfname is . dat scolde de  
orde Otto paryse met redylcheyt vmme manen . gulde ouer otto / parys hern hennynck by hern  
hennynckes leuende so ene wurde parys van des orden weghen nicht ghe manet . Dese bryf is / ghe  
gheuen vnde screuen tu dem Rozyk Jn den Jaren godes . dusent . dry hondert . ses vnde vertych . des  
sundaghes na deme nygen / iare . Tu eyner be thugynge desser dynk . so is vnse ingheseghel ghe  
hangen an dessen bryf /